

CURCA FRIAMO

SCANO MONTIFERRO

LETTORE,

Se non hai amato, questo libro non è per te. Leggilo però dal principio alla fine, potrà esserti utile sulle dolorose vicende della vita.

L'AUTORE



DIALOGO
FRA COMARE ELENA E PALMERIO

1

Comare bos cheria
Fagher'una pregonta
Ca bois cumprendides calchi cosa
S'incust'idea mia
Podizis'esser pronta
Servirem'in cust'ora bisonzosa
In tantu chi tra nois
Niunu ba che bois
Chi podat'esser pius manerosa
Ca pro custa manera
Bi cheret art'e zente lusinghera

2

Compar'ite tenides
Cun tanta afflissione
Presentades'a mi' afflitamente
Nadem'ite cherides
Ch'in cust'occasione
Azis'esse servidu prontamente
Ca pro bois compare
Mi dia impignare
Cun gelosia de totta sa zente
Nadem'a su momentu
Chi bos happ' appagare su cuntentu

3

Cust' e sa veridade
 Chi finas brigonzosu
 Mi rest' a cunfessare su dolore
 Tenide piedade
 De unu bisonzosu
 Si mi podizis faghe su favore
 Ca de' happo dispostu
 S' ide' a d'ogni costu
 Dirett' a Nella unu segret'amore
 E faghide de mediu
 Si la podizis ponner' in assediu

Custu sero matessi
 Su coro bos consola
 Cun sa risposta chi devo torrare
 La tento cando essi
 E la le' a sa sola
 E li provo sos tastos a toccare
 Nademi s'azis tentu
 Cun issa trattamentu
 Pro mi poder' ancora regolare
 Ca una bon' intrada
 Faghed' a fine bona resultada.

Nades chi custu sero
 Faghide su favore
 De la tentare cando de bessire
 Però si marzo zero
 Ite forte dolore
 E chie l'hada pode resestire
 Però send' in sa Missa
 La ido sempre fissa
 Cun sos oios cherindem' imprepire
 E lu potò giurare
 Chi fissa pius' a mie de s'altare.

6

E si gai mi nades
 Ch'in sas devuziones
 Azis tentu profundas' ammiradas
 E tando boc'andade
 Ca sas oraciones
 Azis' a tenne bona resultadas
 Bois bazi a domo
 Chi deo ando como
 E si part'eo non parto ebbadas
 No istedes pensende
 Baz'in bonora ch'eo so andende.